



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2392. Kurfürst Joachim giebt dem Grafen Eitel-Friedrich von Zollern und
dessen Nachkommen, Grafen von Zollern, das Angefälle des
Reichs-Erb-Kammeramts zu Lehn, am 2. Juni 1504.

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

Jarn aufgegangen, Lütende vff die malhauffen, so die von kokericz etlich mal hieuorn angezeigt, verantwortten vnd sollen ganz todt, crafftlos sein vnd bleyben, daruff die Marggrauen zu Brandenburg, vnser gnedigste vnd gnedige herren, das disse vorgeschrieben punct, stucken vnd artickel Stet, fest vnuorbrochentlich gehalten werden, den kockericzen ein verwilligungs briue vber disen Recefs vnd gutlichen entscheidt geben vnd verreichen. Damit sollen solch zewytrecht, spen vnd gebrechen, vnd was sich daryn bys auff disen heutigen tag begeben hat, nichts aufgenomen, genzlich zu eynem vulkomen endt vnd grundt vnuwiderrufflich beygelegt, gericht vnd ewig entscheiden sein vnd bleyben. Des zu warer vrkunt vnd mehrer sicherheit sindt dises Recefs vnd entscheids briue zwen gleich lauts gemacht, vnd vnserm gnedigsten vnd gnedigen herrn der eyne vnd den von kokeritz der ander verantwort, vnd mit des Erwidigen In got, Hochgelarten, Hochwirdigen, Gestrengen, Erbarn vnd Ernheften Hern Lucas, Apt zur neuen Zelle, vnd Ern Jheronimi Scultetj, probst vnd Licenciaten etc., als kön. wirde zu Hungern vnd Behem Commissarien, vnd Herrn Georgen von Schlaberndorff, Maister sant Johans Ordens etc., Ern Werners von der Schulenburg, Hoffmaisters, vnd Cristoff Zcabeltitzs, hauptman zu Cotbus, darzu verordenten, gewilkurten, angenommen vnd bewilligten scheidet Resche, In dieser sachen Ingesigeln, wissentlich anhangendt versigelt vnd gegeben zur peytz, Sunnabentzs Nach Jubilate, Anno etc. XV^o quarto.

Nach dem Churm. Lehnscopialbuche XXXI, 11-13.

2392. Kurfürst Joachim giebt dem Grafen Citel-Friedrich von Zollern und dessen Nachkommen, Grafen von Zollern, das Angefälle des Reichs-Erb-Kammeramts zu Lehn, am 2. Juni 1504.

Wir Joachim, vonn gotts gnaden Marggraff zw Brandenburg etc. vnd Churfurst etc., Bekennen vnd thun kunth offentlich mit dissem briue vor vnns, vnser erben vnd nachkommen Marggraffen zw Brandenburg vnd sunst vor allermeniglich, die in sehen, horen oder lesen. Nachdem vnd als wir vergangener Zeyt weylant jorg heinrichen von absparg vnd seinen menlichen lehenserben das erbkammeramt des heyligen Romischen Reichs, So vonn dem kurfurstenthumb der marck vnd zw iglicher Zeyt regirenden Marggraffen zu Brandenburg, kurfursten, zu lehen rurt, vnd vormals auch ytzundt der Edell, vnser lieber getrewer philips der Elter, herr zu weinsperg, von vnns vnfere vorfahren vnd vnns als regirenden kurfursten, Marggraffen zu Brandenburg, zu lehen getragen vnd noch hatt zu einem rechten

angefell vnd manlehen vff die von Weinsperg, Inmas das auch sein vatter jorg
 vonn Absperg, ritter seliger, von vnserm grofvatter vnd vatter, loblicher gedechnus,
 zw angeuell gehabt, jnhalts der briffe vnd Reuers darvber aufgangen, bestettigt vnd
 gelyhen haben, dieweil aber kurtz hievor ehgedachter Jorg heinrich von absperg
 mit tott Abgangen vnd keine menliche lehns erben, die von dem blutt vnd stam-
 men, noch des angefels vnd manlehens fehig sein mogen, hinder Im verlassen ist,
 vnns also die leyhung vnd anwartung solichs angefels vonn jm widerumb heym ge-
 fallen, darvff wir durch den wolgebornnen vnd Edlen, vnseren lieben vettern yt-
 telfridrichen, Graffen zw Zollern, herren zu Rotznus, hewtman der herschafft ho-
 henburg, Romischer Konigl. Majestet hoffmeyster etc., betlich ersucht vnd angelanngt
 sein, Im vnd seinen menlichen lehenserben, Graffen zw Zollerern, solich erbkameramt
 des heyligen Romischen Reichs vff die vonn Weinsperg, jnmas das jorg, Ritter,
 vnd Jorg heinrich von Absperg, seligen, empfangen vnd gehabt, zw einem
 rechten angefell vnd manlene widerumb genediglich zuuerleihen; Als haben wir
 mercklich betracht vnd angesehen solich vnserer vettern graff ytelfriderichen
 fleissig vnd zymlich bett, auch die annemen, dapferen vnd trewen dienst, die er etwa-
 lang hirjnnen vnd daraußen vnserm herrn vatter seligen vnd vnns bewysen vnd
 hinfur vnns vnd vnser herschafft scheinbarlich thun soll, kan vnd mag, vnd darumb
 auch aus besonnderen fruntschafftlichen gunst vnd genaden Im vnd seinen menlichen
 lehens erben graffen zu Zollerern solich obgemelt erbkammeramt zw rechtem an-
 gefell vnd manlene auffes neue bestettigt vnd gelyhen, Bestettigten vnd verleihen
 fur vnns, vnser erben vnd nachkomen Marggraffen zw Brandenburg jm vnd seinen
 menlichen lehens erben das angefell zw rechtem manlene, jn crafft vnd macht ditzs
 bryffs, Also ob geschege, das nach dem willen gotts die herren von Weinsperg, so
 itzundt jm leben sein, alle mit tode abgingen vnd keinen Eelichen lehens erben ires
 namens, stams vnd helms hinter sich verliessen, dasa lfdann der obgenante graff Ey-
 telfriderich vonn Zoller, ob er jn leben were oder ob er jn leben nicht were,
 sein menlich lehens erben das vorgebant erbkameramt des heyligen Romischen Reichs
 mit allen seinen eren, wurden, nutzungen vnd zugehorungen, wie das der obgemelt
 vonn Weinsperg In vergangen Jaren von vnseren Elteren, Marggraffen zw Bran-
 denburg, kurfursten etc., In lehen vnd geweren besessen, gehabt vnd von vns noch
 hatt, Alldann vonn vnns, vnd so wir nicht Im leben weren, vonn vnseren erben vnd
 nachkomenden marggraffen zw Brandenburg, Ertzkamereren vnd kurfursten, zw rech-
 tem manlene haben vnd empfangen vnd sich des mit titellen vnd allen eren, nutz-
 zungen vnd zugehorungen obenbestympt geprauchten, vnns auch darvon gewarten,
 dienen vnd thun sollen, als sich von solichem ampt, geburt vnd herkommen, solichs
 auch, so oft das zu schulden kommet, vonn vnns, vnseren erben vnd nachkommen
 Marggraffen zu Brandenburg zu lene nemen vnd empfangen, wie des vormelten ampts
 vnd lehens recht vnd gewonheyt ist. Hirauff auch der genante graff ytelfriderich
 solich angeuell von vnns empfangen, lehenspflicht dartzu gethan vnd vnns der reuers

briff, mit seinem anhangenden insigel versigelt, vberantwort. Zu urkunth etc. vnn
 geben zu Colen an der Sprew, am Sontag trinitatis, Anno etc. XV^e quarto.
 Commissio propria principis Electoris.

Nach dem Churm. Lehnscopialbuche III, 244.

2393. Kurfürst Joachim und Markgraf Albrecht ratificiren den mit den von Kickeritz am 4. Mai
 geschlossenen Vergleich, am 13. Juli 1504.

Von gotts gnaden Wir Joachim, Churfurst etc., vnn albrecht, gebruder,
 Marggrauen zu Brandenburg etc., Bekennen offentlich mit dissem briue vor aller-
 meniglich, Die In sehen, horen oder lesen, Alsdan vnnser Libe Besundern Caspar,
 Ritter, hans vnd Heinrich von kockeritz, gebrudere, sich etlich holtzung vnd ge-
 rechtigkeyt an vnn In vnnser peytzischen heyden angemast vnn vntterzogen,
 die vnnser amptleut an dem Ort von vnnfern wegen Inen nicht gestanden, Deshalben
 Irfall erwachsen, vnn wan aber Der wirdige vnnser Rete vnn Liebe getrewen Her
 Georg von Schlaberndorff, Meister Sant Johans Ordens, Werner von der
 Schulenburg, vnnser hoffmeister, vnn Cristoff von Zabeltitz, amptman zw
 Cotbus, als differ sachen gewilkurte vnn verordente scheides Richter, solchenn Ir-
 thumb besichtiget, vnn In beywesen des Hochgeborn vnnfers Rats vnn Lieben
 Oheims, Herrn Georgen, Fursten zw anhalt, grauen zu aschanien, herr zw Be-
 renburg, vorweiser vnnser herschafften Cotbus vnn peytz, der Wirdigen vnn Hoch-
 gelartten Ern Jheronimi scultetj, Licenciaten vnn pfarrer zw Cotbus, von des
 Apts von der Zelle vnn synen wegen, als koniglicher wirde zw hungern vnd Be-
 hem In differ sachen Commissarien, Ern Sigmunden Zerer, Doctor vnn Cantzler,
 Matthias von vchtenhagen, Zabell Borgstorff, amptman zur peytz, Auch
 vorgemeltter von kokeritz eynen entlichen entscheydt gemacht vnn anzeigung ge-
 than, wie sich die gemelten von kockeritz an vnn In solcher vnnser peytzischen
 heyden gebrauchen mogen, Lauts vnn Inhaltts eines Reces, durch den Abt zur
 Zelle vnn pfarrer zw Cotbus, als koniglicher wirde zw hungern vnn Behem,
 Lauts Ires Mandats, Commissarien vnnser Rete vnn hoffmeister, als nemlich den Mey-
 ster Sant Johans Ordens, Werner von der schulenburg vnn Cristoff Zabel-
 titz Ingesigel vorfigelt, Des Datum stet, geben zu peytz, Sunnabends Nach Jubilate,
 Der geburt Cristi Im Funffzehnhundertsten vnn vyrden Jar, Der selbe Reces vntter
 andern mitbringet Den kockeritzen vnnfern vorwilligs briff vber solchen Reces vnd
 gutlichen entscheydt zu geben, Das wir den selben Reces vnn gutlichen entscheydtes
 briue, Der also von den von kockeritzen angenommen ist, bewilligt vnn bestetigt